

Í-SU-LÀH (15)

1 Tng Pho-su ông Kó·liát goân--nî, in-ūi beh èng-giām Iâ-hô-hoa thok Iâ-lī-bí só· kóng ê oē, Iâ-hô-hoa chiū kek-tōng Pho-su ông Kó·liát ê sim, hō· i soan-pò· tī thong-kok, koh siá i, kóng, ²Pho-su ông Kó·liát án-ni kóng, Thiⁿ-téng ê Siōng-tè Iâ-hô-hoa chiong thiⁿ-ē ê bân-kok siúⁿ-sù goá, koh bēng-lēng goá tī Iū-tāi ê Iâ-lō·sat-léng kā I khí tiān. ³Lín tiong-kan kīⁿ-nā choē I ê peh-siⁿ--ê, thang chiūⁿ-khì Iū-tāi ê Iâ-lō·sat-léng, tī Iâ-lō·sat-léng koh khí Iâ-hô-hoa Í-sek-liát Siōng-tè ê tiān; goān i ê Siōng-tè kap i tī-teh; I chin-chiàⁿ sī Siōng-tè. ⁴Kīⁿ só· chhun ê lāng, bô-lūn kià-kha tī sūm-mih só·chāi, hit só·chāi ê lāng tiōh ēng kim gūn, chāi-bút, cheng-siⁿ, pang-chān i; lēng-goā iā tiōh ūi Iâ-lō·sat-léng Siōng-tè ê tiān, kam-sim hiàn lé-mih.

⁵Tùi án-ni Iū-tāi kap Piān-ngá-bín ê chók-tiúⁿ, chè-si, Lī-bī lāng, kīⁿ-nā hō· Siōng-tè kek-tōng i ê sim ê, lóng khí-lāi, beh chiūⁿ-khì Iâ-lō·sat-léng, khí Iâ-hô-hoa ê tiān. ⁶In sī-ūi ê lāng chiū ēng gūn-khì, ēng kim, chāi-bút, cheng-siⁿ, pó-poè, pó·chō· in; lēng-goā koh ū kam-sim hiàn ê lé-mih. ⁷Kó·liát ông iā chiong Iâ-hô-hoa tiān-lāi ê khì-kū thēh--chhut-lāi, chiū-sī chēng Nī-pò·kah-nī-sat tùi Iâ-lō·sat-léng poaⁿ--lāi, hē tī i hiah ê siōng-tè ê biō ê. ⁸Chiah ê khì-kū Pho-su ông Kó·liát thok koán khò·pāng ê Bí-thē-lī-tát thēh--chhut-lāi, tiám-sng i, kau-hō· Iū-tāi ê siú-léng

Siat-pa-sat. ⁹In ê siāu-giāh kī tī ē-bīn; kim-poāⁿ saⁿ-cháp tè, gūn-poāⁿ chit-chheng tè, to jī-cháp-káu ki, kim-oáⁿ saⁿ-cháp tè, gūn-oáⁿ tē-jī-pān-ê sī-pah it-cháp tè, pát-iūⁿ ê khì-kū chit-chheng kiāⁿ; kim gūn ê khì-kū kiōng gō·chheng sī-pah kiāⁿ; ¹¹toà siū-liáh ê lāng tùi Pa-pí-lūn chiūⁿ-kàu Iâ-lō·sat-léng ê sī, Siat-pa-sat chiong chiah-ê lóng toà chiūⁿ khì.

2 Chēng Pa-pí-lūn ông Nī-pò·kah-nī-sat liáh kàu Pa-pí-lūn ê, Iâ-tāi séng peh-siⁿ-tiōng ū lāng tùi siū-liáh kàu ê só·chāi tò-lāi Iâ-lō·sat-léng kap Iū-tāi, ták-lāng tò-khì i ê siāⁿ; ²chiū-sī kap Sók-lô-pa-pek, Iâ-su-a, Nī-hi-bí, Se-lāi-ngá, Lī-lāi-ngá, Boát-tí-kái, Pít-san, Bí-su-poát, Pí-kek-oá-i, Lī-hōng, Pa-ná, saⁿ-kap tò--lāi-ê.

Í-sek-liát peh-siⁿ ê lāng-giāh kī tī ē-toé. ³Pa-liók ê hō·-è, nng-chheng chit-pah chhit-cháp-jī lāng. ⁴Sī-hoat-thē-ngá ê hō·-è, saⁿ-pah chhit-cháp-jī lāng. ⁵A-láh ê hō·-è, chhit-pah chhit-cháp-gō· lāng. ⁶Pa-hap-mô·ap ê hō·-è, chiū-sī Iâ-su-a kap Iok-ap ê hō·-è, nng-chheng poeh-pah it-cháp-jī lāng. ⁷Í-lān ê hō·-è, chit-chheng nng-pah gō·cháp-si lāng. ⁸Sat-thó· ê hō·-è, káu-pah sī-cháp-gō· lāng. ⁹Sat-kái ê hō·-è, chhit-pah lāk-cháp lāng. ¹⁰Pa-nī ê hō·-è, lāk-pah sī-cháp-jī lāng. ¹¹Pí-pài ê hō·-è, lāk-pah jī-cháp-saⁿ lāng. ¹²Ap-kah ê hō·-è, chit-chheng nng-pah jī-cháp-jī lāng. ¹³A-to-nī-kan ê hō·-è, lāk-pah lāk-cháp-

lák lāng. ¹⁴Pí-kek-oá-i ê hō·-è, nng-chheng liān gō·-cháp-lák lāng. ¹⁵A-teng ê hō·-è, sì-pah gō·-cháp-sì lāng. ¹⁶A-ték ê hō·-è, siók Hi-se-ka ê, káu-cháp-poeh lāng. ¹⁷Pí-sài ê hō·-è saⁿ-pah jī-cháp-saⁿ lāng. ¹⁸Iok-láh ê hō·-è, chit-pah it-cháp-jī lāng. ¹⁹Hap-sūn ê hō·-è, nng-pah jī-cháp-saⁿ lāng. ²⁰Kiat-pa-jīⁿ lāng, káu-cháp-gō· ê. ²¹Pek-lī-hēng lāng, chit-pah jī-cháp-saⁿ ê. ²²Nī-tō-hoat lāng, gō·-cháp-lák ê. ²³A-ná-tút lāng, chit-pah jī-cháp poeh ê. ²⁴A-su-má-hut lāng, sì-cháp-jī ê. ²⁵Ki-liát-iā-līm lāng, Ki-hui-láh lāng, Pí-liók lāng, kiōng chhit-pah sì-cháp-saⁿ ê. ²⁶Láh-má lāng, Ka-pa lāng, kiōng lák-pah jī-cháp-it ê. ²⁷Bék-má lāng, chit-pah jī-cháp-jī ê. ²⁸Pek-ték-lī lāng, Ai ê lāng, kiōng nng-pah jī-cháp-saⁿ ê. ²⁹Nī-pho lāng, gō·-cháp-jī ê. ³⁰Boát-pit lāng, chit-pah gō·-cháp-lák ê. ³¹Pát ê Í-lān ê hō·-è, chit-chheng nng-pah gō·-cháp-sì lāng. ³²Hap-līm ê hō·-è, saⁿ-pah jī-cháp lāng. ³³Lô-tek lāng, Hap-tē lāng, O-lô lāng, kiōng chhit-pah jī-cháp-gō· ê. ³⁴Iā-lī-ko lāng, saⁿ-pah sì-cháp-gō· ê, ³⁵Se-ná lāng, saⁿ-chheng lák-pah saⁿ-cháp ê.

³⁶Chè-si, Iā-su-a ê ke, Iā-tāi-ngá ê hō·-è, káu-pah chhit-cháp-saⁿ lāng. ³⁷Im-bék ê hō·-è, chit-chheng liān gō·-cháp-jī lāng. ³⁸Pa-si-hō·-jīⁿ ê hō·-è, chit-chheng nng-pah sì-cháp-chhit lāng. ³⁹Hap-līm ê hō·-è, chit-chheng liān it-cháp-chhit lāng.

⁴⁰Lī-bī lāng Hô-tát-ui-ngá ê hō·-è, chiū-sī Iā-su-a kap Kah-biát ê hō·-è, chhit-cháp-sì lāng. ⁴¹Chhiūⁿ-koa--ê, A-sat ê hō·-è, chit-pah jī-cháp-poeh lāng. ⁴²Kò·-mng-ê, Sa-liōng ê hō·-è, A-ték ê hō·-è, Tát-būn ê hō·-è, A-kok ê hō·-è, Hap-tí-tāi ê hō·-è, Sok-pài ê hō·-è, kiōng chit-pah saⁿ-cháp-káu lāng.

⁴³Nī-thê-lēng; Se-hap ê hō·-è, Hap-so·-pa ê

hō·-è, Tap-pa-gô ê hō·-è; ⁴⁴Ki-liók ê hō·-è, Se-a ê hō·-è, Pa-tùn ê hō·-è; ⁴⁵Lī-pa-ná ê hō·-è, Hap-ka-pa ê hō·-è, A-kok ê hō·-è; ⁴⁶Hap-kah ê hō·-è, Sat-mái ê hō·-è, Hap-lān ê hō·-è; ⁴⁷Kiat-tek ê hō·-è, Ka-hap ê hō·-è, Lī-a-ngá ê hō·-è; ⁴⁸Lī-sìn ê hō·-è, Nī-ko-tāi ê hō·-è, Ka-sàn ê hō·-è; ⁴⁹O·-sat ê hō·-è, Pa-se-a ê hō·-è, Pí-sài ê hō·-è; ⁵⁰Ap-ná ê hō·-è, Bí-o·-lēng ê hō·-è, Nī-phó·-sim ê hō·-è; ⁵¹Pa-pok ê hō·-è, Hap-kó·-pa ê hō·-è, Hap-hút ê hō·-è; ⁵²Pa-sé-lút ê hō·-è, Bí-hi-tāi ê hō·-è, Hap-sa ê hō·-è; ⁵³Pa-kho ê hō·-è, Se-se-láh ê hō·-è, Tap-má ê hō·-è; ⁵⁴Nī-sè-a ê hō·-è, Hap-thê-hoat ê hō·-è.

⁵⁵Só·-lô-būn ê lô·-pók ê hō·-è, chiū-sī Só-thài ê hō·-è, Só-húi-liát ê hō·-è, Pí-lō·-tāi ê hō·-è; ⁵⁶Ngá-láh ê hō·-è, Tát-khun ê hō·-è, Kiat-tek ê hō·-è; ⁵⁷Sī-hoat-thê-ngá ê hō·-è, Hap-thê ê hō·-è, Po-hek-liát-hap-su-pa-im ê hō·-è, A-bí ê hō·-è; ⁵⁸Nī-thê-lēng, kap Só·-lô-būn lô·-pók ê hō·-è, kiōng saⁿ-pah káu-cháp-jī lāng.

⁵⁹Tùi Ték-bí-láh, Ték-hap-sat, Ki-liók, Ap-tàn, Im-bék chiūⁿ-lāi--ê, boē-oē chēng-bēng in ê chong-chòk sè-hē chin-chiàⁿ sī Í-sek-liát lāng á m̄-sī; ⁶⁰in sī Tē-lāi-ngá ê hō·-è, To-pí-ngá ê hō·-è, Nī-ko-tāi ê hō·-è, kiōng lák-pah gō·-cháp-jī lāng. ⁶¹Chè-si ê hō·-è tiong, ū Hap-pa-ngá ê hō·-è, Hap-ko-su ê hō·-è, Pa-se-lāi ê hō·-è; Pa-se-lāi chhoā Ki-liát lāng Pa-se-lāi ê cha-bó·-kiáⁿ choē bó·; só·-í ēng in ê miā lāi chheng i. ⁶²Chiah ê ke, tī chòk-phó·-tiong chhē in ê sè-hē, iā chhē-bô, só·-í sng-choē bô chheng-khì, m̄-chún in tng chè-si ê chit. ⁶³Chóng-tòk ká in kóng, m̄-thang chiáh chì-sēng ê mih, thēng-hāu ū O·-lēng kap Thó·-bēng ê chè-si khí-lāi.

⁶⁴Hoē-chiòng kiōng ū sì-bān nng-chheng saⁿ-pah lák-cháp lāng. ⁶⁵Í-goā iáu ū in ê

lô·pók lú·pī, chhit-chheng saⁿ-pah saⁿ-cháp-chhit lāng; lām-lú chhiūⁿ-koa--ê, ū nng-pah lāng. ⁶⁶In ê bé, chhit-pah saⁿ-cháp-lák chia; in ê lô, nng-pah sì-cháp-gō chia; ⁶⁷in ê lók-tô, sì-pah saⁿ-cháp-gō chia; lū, lāk-chheng chit-pah jī-cháp chia.

⁶⁸In kàu Iā-hô-hoa ê tiān tī Iā-lō·sat-léng ê sī, ū chók-tiūⁿ kúi-nā lāng, ūi-tiōh Siōng-tè ê tiān, kam-sim lâi hiàn, beh koh khí tiān tī i ê só·chāi. ⁶⁹In chiàu lēk-liōng toē-jīp kang-tiāⁿ ê hú-khò·, kim lāk-bān chit-chheng tát-lī-khek; gūn gō·chheng bī-ná; kap chè-si ê lé-hók chit-pah niá.

⁷⁰Tùi án-ni chè-si kap Lī-bī lāng, peh-siⁿ-tiong chit-pō·hūn ê lāng, kap chhiūⁿ-koa--ê, kò·mng--ê, Nī-thē-léng, kok khiā-khí in ê siāⁿ; Í-sek-liát cheng-lāng iā khiā-khí in hiah ê siāⁿ.

3 Kàu tē-chhit gēh, Í-sek-liát lāng í-keng khiā-khí in hiah ê siāⁿ, hit-sī peh-siⁿ chhin-chhiūⁿ chit-lāng chū-chíp tī Iā-lō·sat-léng. ²Iok-sat-tap ê kiáⁿ Iā-su-a, kap i ê hiaⁿ-tī hiah ê chè-si, kap Sat-lāh-thiat ê kiáⁿ Sô·lô-pa-pek, kap i ê hiaⁿ-tī, lóng khí-lâi khí Í-sek-liát Siōng-tè ê toāⁿ, thang hiàn sio-chè tī hí téng-bīn, chiàu Siōng-tè ê lô·pók Mô·se lút-hoat ê chheh só·kì-chài ê. ³In khí-toāⁿ tī pún-kū ê ūi, in-ūi kiaⁿ hiah ê kok ê peh-siⁿ; koh tī hí téng-bīn hiàn sio-chè hō· Iā-hô-hoa, chiū-sī chá-khí ê-hng ê sio-chè. ⁴Iā siú tah-liâu-á choeh, chiàu só·kì-chài ê; koh hiàn ták-jit ê sio-chè, chiàu in ê siāu-giáh, chiàu tiāⁿ-tiōh ê lē, chhin-chhiūⁿ ták-jit só·eng-kai-tiōh ê. ⁵Jiān-āu hiàn chiàu-siōng ê sio-chè, kap múi-gēh chhoe-it ê chè, í-kíp Iā-hô-hoa hun-piat choè-seng ê choeh-kī ê chè; koh hiàn ták-lāng kam-sim hoaⁿ-hí hiàn ê chè hō· Iā-hô-hoa. ⁶Tùi chhit-gēh chhoe-it khí, in

hiàn sio-chè hō· Iā-hô-hoa. Chóng-sī Iā-hô-hoa tiān ê toē-ki, iáu-bē hē. ⁷In koh ēng gūn hō· chiōh-chhiūⁿ, bák-chhiūⁿ; ēng lim-chiáh ê mih, kap iū, hō· Se-tùn lāng, Chhui-lô lāng, hō· in chiong pek-hiūⁿ-chhiū tui Lī-pa-lūn ūn kàu hái kàu Iok-phàⁿ; sī chiàu Pho-su ông Kó·liát só·ún-chún--ê.

⁸In kàu Iā-lō·sat-léng Siōng-tè ê tiān hia, tē-jī nī jī-gēh, Sat-lāh-thiat ê kiáⁿ Sô·lô-pa-pek, Iok-sat-tap ê kiáⁿ Iā-su-a, kap kī-ū ê hiaⁿ-tī, chiū-sī chè-si, kap Lī-bī lāng, kap it-chhè tui siū-liáh ê tiong-kan tò-lâi Iā-lō·sat-léng ê lāng, lóng khí-chhiú, phài Lī-bī lāng, tui jī-cháp hē í-chhiūⁿ, tok-kang khí Iā-hô-hoa ê tiān. ⁹Tùi án-ni Iā-su-a, kap i ê kiáⁿ kap hiaⁿ-tī, Kah-biát kap i ê kiáⁿ, Iū-tāi ê kiáⁿ-sun, kap Hi-ná-tát ê kiáⁿ, kap in ê kiáⁿ, in ê hiaⁿ-tī Lī-bī lāng, lóng khí-lâi, tok-lí hiah ê tī Siōng-tè ê tiān choè-kang ê lāng. ¹⁰Khí-chhiū sai-hū hē Iā-hô-hoa tiān ê toē-ki ê sī, chè-si chheng lé-hók kiáh-hô-thâu. A-sat ê kiáⁿ-sun Lī-bī lāng thēh lâ-poáh, lóng khiā-teh beh o-ló Iā-hô-hoa, chiàu Í-sek-liát ông Tāi-pit só·tiāⁿ-tiōh ê lē. ¹¹In ū-ê chhiūⁿ ū-ê hō, o-ló kám-siā Iā-hô-hoa, kóng, In-ūi I sī hó, I éng-oán si chū-ài hō· Í-sek-liát. In o-ló Iā-hô-hoa ê sī, cheng peh-siⁿ toā-siaⁿ hoah, in-ūi Iā-hô-hoa tiān ê toē-ki í-keng hē-teh. ¹²Chóng-sī ū choē-choē chè-si, Lī-bī lāng, chók-tiong ê lâu-toā, chiū-sī bat khoàⁿ-kìⁿ cheng ê tiān hiah ê lâu-lāng, taⁿ chhin-bák khoàⁿ-kìⁿ hē chit keng tiān ê toē-ki, chiū toā-siaⁿ thī-khàu; iā choē-choē lāng ūi-tiōh hoaⁿ-hí toā-siaⁿ hoah. ¹³Ti-kàu peh-siⁿ boē-oē hun-piat hoaⁿ-hí hoah ê siaⁿ kap peh-siⁿ thī-khàu ê siaⁿ; in-ūi peh-siⁿ toā-siaⁿ hoah ê siaⁿ hō· hit ê siaⁿ thiaⁿ kàu chin-hng.

4 Iū-tāi Piān-ngá-bín ê tui-ték thiaⁿ-kìⁿ

hiah ê siū-liáh tò-lâi ê lāng, ũi Í-sek-liát ê Siōng-tè Iâ-hô-hoa khí tiān, ²chiū lâi kìⁿ Sók-lô-pa-pek, kap chók-tiong ê lāu-toā, kā in kóng, Chhiáⁿ chún goán kap lín saⁿ-kap khí, in-ũi goán chhē lín ê Siōng-tè, kap lín chít-iūⁿ; tui A-sút ông Í-sat-hap-tùn toà goán chiūⁿ chít ê toē í-lâi, goán siōng-siōng hiàn-chè hō Siōng-tè. ³Chóng-sī Sók-lô-pa-pek, Iâ-su-a, kap kī-ū Í-sek-liát chók-tiong ê lāu-toā, kā in kóng, Goán beh khí goán ê Siōng-tè ê tiān, lín bô hūn; goán ka-kī beh ũi Iâ-hô-hoa Í-sek-liát ê Siōng-tè hiáp-lék khí-chō; sī chiàu Pho-su ông Kók-liát ông sóⁿ bēng-lēng goán ê. ⁴Tui án-ni, hit sóⁿ-chāi ê peh-siⁿ hō Iū-tāi lāng chhiú nūg--lòh-khì; tī in khí-chō ê sī kiáu jiáu in. ⁵Tui Pho-su ông Kók-liát ê nī-kan, kàu Pho-su ông Tāi-lī-oⁿ chē-ũi ê sī, chhiàⁿ gī-sū, chók-chí in, beh pāi-hoāi in ê kē-ék. ⁶Tī A-hap-sui-lóⁿ choē ông chē-ũi ê khí-thâu, tui-ték siá chàu-chiuⁿ kò Iū-tāi kap Iâ-lō-sat-léng khiā-khí ê peh-siⁿ.

⁷Koh tī A-tát-siat-se ê nī-kan, Pí-si-lân, Bí-ték-lī-tát, Tha-piát, kap in ê tóng, chiūⁿ pió chàu Pho-su ông A-tát-siat-se; chít ê pió sī ēng A-lân ê bûn-jī siá ê, hoan-ék A-lân ê khiuⁿ-kháu. ⁸Chóng-tok Lī-hông, su-kì Sin-soè, beh kò Iâ-lō-sat-léng lāng, iā chiūⁿ-pió chàu A-tát-siat-se ông; hit ê pió chhin-chhiūⁿ án-ni. ⁹Chóng-tok Lī-hông, su-kì Sin-soè, kap kī-ū ê tâng-phoāⁿ, Tí-ná lāng, A-hoat-sat-thē-ka lāng, Tha-pì-lāh lāng, A-hoat-sat lāng, A-kī-oē lāng, Pa-pí-lūn lāng, Su-san-ka lāng, Tí-hai lāng, Í-lân lāng). kap toā chun-kui ê O-su-ná-pa sóⁿ chhian-soá kī-ū ê peh-siⁿ an-tì tī Sat-má-lī-a ê siāⁿ, kap Toā-hô-goā kī-ū ê peh-siⁿ, lóng siá; ũn-ũn.

¹¹Hit ê chàu A-tát-siat-se ông pió-chiuⁿ ê chhau-kó kì tī ē-bīn: Lí ê lôⁿ-pók Hô-goā chia

ê lāng, ũn-ũn. ¹²Ông tióh chai tui lí hia lâi kàu goán chia ê Iū-tāi lāng, í-keng kàu Iâ-lō-sat-léng, koh khí chít ê hoán-poān koh pháiⁿ ê siāⁿ, í-keng khí siāⁿ-chhiūⁿ, hē toē-ki. ¹³Taⁿ ông tióh chai, in nā khí chít ê siāⁿ, siāⁿ-chhiūⁿ khí hó, chiū chìn-kòng, koan-sè, chíⁿ-niū, in lóng m̄-láp; kàu-bé ông beh siū sún-sit. ¹⁴In-ũi goán chia ông-kiong ê iām, m̄ eng-kai khoāⁿ ông siū khui-sún, sóⁿ-í chiūⁿ-pió chàu ông. ¹⁵Chhiáⁿ chhâ-khó liát-chókⁿ ê kì-liók, tī kì-liók oē chhē-tiòh, chiū chai chít ê siāⁿ sī hoán-poān ê siāⁿ, choē liát-ông kap ták-séng ê hāi; tui chá í-lâi, hit tiong-kan siōng-siōng ũ hoán-poān ê sū; chít ê siāⁿ siū hui-hoāi chiū-sī tui chít ê iân-kòⁿ. ¹⁶Goán kín-sin chàu ông chai, chít ê siāⁿ nā koh khí-chō, siāⁿ-chhiūⁿ khí-hó, tui án-ni Hô-goā ê toē lí chiū bô hūn.

¹⁷Hit-sī ông chiū chhut jū-chí hōⁿ chóng-tok Lī-hông, su-kì Sin-soè, kap in kī-ū ê tâng-phoāⁿ, chiū-sī khiā-khí tī Sat-má-lī-a, kap Hô-goā kī-ū ê lāng, kóng, Goán lín pēng-an, ũn-ũn. ¹⁸Lín sóⁿ chiūⁿ hōⁿ goán ê pió, í-keng bēng-bēng thak tī goá ê bīn-chēng. ¹⁹Goá í-keng chhut bēng-lēng, chhâ-khó-liáu chiū chai chít ê siāⁿ tui chá í-lâi chìn-chiàⁿ poē-poān liát-ông, kī-tiong siōng-siōng ũ bôⁿ-hoán poē-gék ê sū. ²⁰Chiông-chēng Iâ-lō-sat-léng lēk-lâi ũ toā kun-ông thóng-hat Hô-goā choân-toē; chìn-kòng, koan-sè, chíⁿ-niū lóng lāp hōⁿ in. ²¹Taⁿ lín tióh hoat bēng-lēng hōⁿ hiah ê lāng thēng-kang, bô khí chít ê siāⁿ, thēng-hāu goá kàng-chí, ²²lín tióh kín-sin, m̄-thang iân-chhiān; siáⁿ-sū iōng-ún chít ê hāi khah-tāng, tì-kàu liát-ông siū khui-sún ah?

²³A-tát-siat-se ông ê siōng-jū thak tī Lī-hông, kap su-kì Sin-soè, kap in ê tâng-phoāⁿ ê bīn-chēng, in chiū koáⁿ-kín khi Iâ-lō-sat-léng kìⁿ Iū-tāi lāng, ēng sè-lék kiōng-pek in thēng-

kang. ²⁴Tùi án-ni Iâ-lō·sat-léng Siōng-tè tiān ê kang-tiāⁿ chiū thêng-chí. Thêng kàu Pho-su ông Tāi-lī-o· chē-ūi ê tē-jī nī.

5 Hit-sī ū sian-ti lāng, chiū-sī sian-ti Hap-kai, kap Êk-to ê sun Sat-ka-lī-a, hōng Í-sek-liát Siōng-tè ê miâ, tùi Iû-tāi kap Iâ-lō·sat-léng ê Iû-tāi lāng thoân sian-ti ê oē hō· in. ²Tùi án-ni Sat-lāh-thiat ê kiáⁿ Sô·lô-pa-pek, kap Iok-sat-tap ê kiáⁿ Iâ-su-a, lóng khí-lâi tâng-kang khí-chō Siōng-tè ê tiān tī Iâ-lō·sat-léng; ū Siōng-tè ê sian-ti kap in tī-hia, pang-chān in. ³Tng-sī Hô-goā ê chóng-tok Tāt-nái, kap Sī-tha-pho-su-nái, kap in ê tâng-phoāⁿ, lâi m̄ng kóng, Chī-chūi chhut lēng hō· lín khí chit ê tiān, chhiāⁿ chit ê chhiūⁿ ah? ⁴Goán chiū án-ni kâ in kóng, Khí chit keng tiān ê lāng kiò sím-mih miâ? ⁵Siōng-tè ê bák-chiu khoàⁿ-kò· Iû-tāi ê tiúⁿ-lô, hiah ê lāng bô hō· in thêng-kang, thêng-hāu chit ê tãi-chi kàu Tāi-lī-o·, tit-tiòh bûn-su lâi hē-hok chit ê sū.

⁶Hô-goā ê chóng-tok Tāt-nái, kap Sī-tha-pho-su-nái, kap i ê tâng-phoāⁿ, chiū-sī tiām-tī Hô-goā ê A-hoat-sat-ka lāng, châu Tāi-lī-o· ông ê pió-chiuⁿ kì tī ē-toé. ⁷In châu ông ê pió-chiuⁿ-lāi ū kóng, Goán Tāi-lī-o· ông bân-sū pêng-an. ⁸Ông tiòh chai, goán khi Iû-tāi séng, kàu chì-toā Siōng-tè ê tiān, chit ê tiān sī ēng toā tè chiòh khí-chō--ê, iⁿ-á chhah-jlp chhiūⁿ-lāi, choè-kang chin-kín, in ê só· choè heng-thong. ⁹Hit-sī goán m̄ng hiah ê tiúⁿ-lô, kâ in kóng, Chī-chūi chhut-lēng hō· lín khí chit ê tiān, chhiāⁿ chit ê chhiūⁿ ah? ¹⁰Koh m̄ng in ê miâ, beh kì in ê siú-léng ê miâ, thang châu hō· ông chai. ¹¹In án-ni in goán kóng, Goán sī thiⁿ toē ê Siōng-tè ê lô·pók, koh-chài khí choē-choē nī chêng só· khí ê tiān, chiū-sī Í-sek-liát ê chit-ūi toā kun-ông só· khí só· chhiāⁿ ê. ¹²Tòk-tók in-ūi goán ê liát-chó· jiá

thiⁿ-téng ê Siōng-tè ê siū-khì, I chiong in kau tī Ka-lék-tí lāng, Pa-pí-lún ông Nī-pò·kah-nī-sat ê chhiú; ông chiū thiah-húi chit keng tiān, liáh peh-siⁿ kàu Pa-pí-lún. ¹³Tng Pa-pí-lún ông Kó·liát goân--nī, Kó·liát ông chhut-lēng tiòh khí chit keng Siōng-tè ê tiān. ¹⁴Siōng-tè tiān-lāi kim gûn ê khi-kū, chiū-sī Nī-pò·kah-nī-sat tùi Iâ-lō·sat-léng ê tiān-lāi thêh-chhut-lâi, toà khi hē tī Pa-pí-lún ê biō--ê, Kó·liát ông tùi Pa-pí-lún ê biō-lāi thêh-chhut-lâi kau hō· i só· siat-lip ê chóng-tok, miâ kiò Siat-pa-sat; ¹⁵kâ i kóng, Tiòh toà chiah ê khi-kū khi hē tī Iâ-lō·sat-léng ê tiān, iā tiòh khí Siōng-tè ê tiān tī i ê goân-ūi. ¹⁶Tùi án-ni chit ê Siat-pa-sat lâi hē Iâ-lō·sat-léng Siōng-tè tiān ê toē-ki; chit keng tiān tùi hit-sī kàu taⁿ khí iáu-bē hó. ¹⁷Taⁿ ông nā liáh-choè hó, chhiāⁿ chhâ-khó ông tī Pa-pí-lún ê kok-khò·, khoàⁿ Kó·liát ông kó·jiân ū kàng-chiàu tī Iâ-lō·sat-léng khí Siōng-tè chit keng tiān á-bô. Chhiāⁿ ông tī chit ê sū kàng-chí lâi chí-sī goán.

6 Tùi án-ni Tāi-lī-o· ông chhut-lēng, lāng chiū khi chhē tián-chheh ê hú-khò·, chiū-sī tī Pa-pí-lún khng pó-mih ê só·chāi. ²Tī A-má-tha, Má-tāi séng ê kiong-lāi, chhē-tiòh chit-pún, hí lâi-bīn kì-chài kóng, ³Kó·liát ông goân--nī, Kó·liát ông chhut-lēng, lūn tī Iâ-lō·sat-léng Siōng-tè ê tiān, kóng, Tiòh khí chit keng tiān choè hiàn-chè ê só·chāi, hē i ê toē-ki kian-kò·, tiān koāiⁿ lāk-cháp tiú, khoah lāk-cháp tiú; ⁴ēng toā-chiòh saⁿ-ûn, sin ê chhâ chit-ûn; keng-hùi tiòh khai ông-ke ê. ⁵Koh Siōng-tè tiān-lāi kim gûn ê khi-kū, chiū-sī Nī-pò·kah-nī-sat tùi Iâ-lō·sat-léng ê tiān-lāi thêh-chhut-lâi toà khi Pa-pí-lún ê, tiòh koh heng i, toà kàu Iâ-lō·sat-léng ê tiān; kok chiàu goân-ūi hē tī Siōng-tè ê tiān. ⁶Taⁿ tī Hô-goā ê chóng-tok Tāt-nái, kap Sī-tha-

pho-su-nái kap lín ê tâng-phoāⁿ, chiū-sī tiām-tī Hô-goā ê A-hoat-sat-ka lêng, lín tiòh lī-khui in; ⁷m-thang chó·-chí khí Siōng-tè tiān ê kang, chhut-chāi Iū-tāi ê chóng-tok, kap Iū-tāi ê tiúⁿ-ló, tī goān-ūi khí Siōng-tè chit keng tiān. ⁸Goá koh kàng-chí lín tiòh cháiⁿ-iūⁿ kiāⁿ tī Iū-tāi ê tiúⁿ-ló, pang-chān in khí chit-keng Siōng-tè ê tiān, chiū-sī tiòh tui Hô-goā ê hiòng-sè-tiong thiū-chhut ông ê gūn-hāng, kín hō· hiah ê lêng choè keng-hùi, bián-tit tam-koh. ⁹In só tiòh ēng ê gū-káng-á, mī-iūⁿ-káng, mī-iūⁿ-á, choè sio-chè hiàn-hō· thiⁿ-tég ê Siōng-tè, í-kíp sió-béh, iām, chiú, iū, lóng chiàu Iā-lō·-sat-léng ê chè-si só· kóng ê, ták-jít hō· i, m-thang sit-gō·; ¹⁰thang hō· in hiàn phang-phang ê chè-sū hō· thiⁿ-tég ê Siōng-tè; koh ūi ông kap ông hiah ê kiáⁿ ê oáh-miā lāi kí-tó. ¹¹Goá koh kàng-chí, nā ū lêng koé-oāⁿ chit ê bēng-lēng, chiū beh tui i ê chhū thiah chit-ki íⁿ-á, lāi kú-khí hit-lêng tiàu i tī hit téng-bīn, hō· i ê chhū ūi-tiòh án-ni choè chhè-tí. ¹²Nā ū ông kap peh-siⁿ khí-chhiú koé-oāⁿ chit ê bēng-lēng, hui-hoāi tī Iā-lō·-sat-léng chit keng Siōng-tè ê tiān, goān an-tī I ê miā tī-hia ê Siōng-tè biát-bô in. Goá Tāi-lī-o· chhut chit ê bēng-lēng, tiòh kín-kín kiáⁿ i.

¹³Tui án-ni Hô-goā ê chóng-tok Tāt-nái, kap Sī-tha-pho-su-nái, kap in ê tâng-phoāⁿ, in-ūi Tāi-lī-o· ông só· chhut ê lēng, chiū kín-kín kiáⁿ i. ¹⁴Iū-tāi ê tiúⁿ-ló in-ūi sian-ti Hap-kai kap Êk-to ê sun Sat-ka-lī-a ê sian-ti oē, chiū khí-chō lāi heng-thong. In chun-thàn Í-sek-liát Siōng-tè ê bēng-lēng, kap Kó·liát, Tāi-lī-o·, kap Pho-su ông A-tát-siat-se ê siōng-jū, khí-chō oân-kang. ¹⁵Tng Tāi-lī-o· ông chē-ūi tē-lák nī, A-tát gēh chhoe-saⁿ jít, chit ê tiān chiū khí hó.

¹⁶Í-sek-liát lêng, chè-si, kap Lī-bī lêng, kap kī-ū siū-liáh tò-lāi ê lêng, lóng hoaⁿ-hoaⁿ hí-hí kiāⁿ hōng-hiàn Siōng-tè tiān ê lé. ¹⁷Kiāⁿ hōng-hiàn Siōng-tè tiān ê lé, chiū hiàn gū-káng chit-pah chiaⁿ, mī-iūⁿ-káng nng-pah chiaⁿ, mī-iūⁿ-á sì-pah chiaⁿ. Koh chiàu Í-sek-liát chi-phài ê siàu-giáh, hiàn soaⁿ-iūⁿ-káng chap-jī chiaⁿ; ūi Í-sek-liát cheng-lêng choè siók-choē-chè. ¹⁸Chiū phài chè-si chiàu i ê pan-liát, Lī-bī lêng chiàu i ê chhū-sū, hók-sāi tiām tī Iā-lō·-sat-léng ê Siōng-tè, sī chiàu Mô-se ê chheh só· kì ê.

¹⁹Chiaⁿ-gēh chap-si jít, siū-liáh tò-lāi ê peh-siⁿ siú poāⁿ-kè-choeh. ²⁰Chè-si kap Lī-bī lêng saⁿ-tāng chheng-khì ka-kī; in lóng chheng-khì; koh ūi-tiòh siū-liáh tò-lāi ê lêng, kap in ê hiaⁿ-tī hiah ê chè-si, iā ūi ka-kī thāi poāⁿ-kè-choeh ê iūⁿ-á. ²¹Tui siū-liáh tò-lāi ê Í-sek-liát lêng, kap ka-kī hun-piat lī-khui chit só·-chāi goā-pang lêng ê ù-oē, lāi kui-oá in, lāi chhē Iā-hō-hoa Í-sek-liát ê Siōng-tè ê, lóng chiaⁿ i; ²²hoaⁿ-hoaⁿ hí-hí siú tū-kàⁿ-choeh chhit-jít kú; in-ūi Iā-hō-hoa hō· in hoaⁿ-hí, koh hō· A-sút ông ê sim oát-túg òng in, lāi kian-kò· in ê chhiú, choè Siōng-tè tiān ê kang, chiū-sī Í-sek-liát ê Siōng-tè.

7 Chiaⁿ ê sū í-āu, tī Pho-su ông A-tát-siat-se chē-ūi ê sī, ū chit ê Í-su-láh, i sī Se-lāi-ngá ê kiáⁿ, Se-lāi-ngá sī A-sat-lī-ngá ê kiáⁿ, A-sat-lī-ngá sī Hi-lék-ka ê kiáⁿ; ²Hi-lék-ka sī Sa-liông ê kiáⁿ, Sa-liông sī Sat-tok ê kiáⁿ, Sat-tok sī A-hi-tút ê kiáⁿ; ³A-hi-tút sī A-má-lī-ngá ê kiáⁿ, A-má-lī-ngá sī A-sat-lī-ngá ê kiáⁿ, A-sat-lī-ngá sī Bí-láh-iok ê kiáⁿ; ⁴Bí-láh-iok sī Se-láh-hi-ngá ê kiáⁿ, Se-láh-hi-ngá sī O·-se ê kiáⁿ, O·-se sī Pò·-ki ê kiáⁿ; ⁵Pò·-ki sī A-pí-su ê kiáⁿ, A-pí-su sī Hui-nī-hap ê kiáⁿ, hui-nī-hap sī Í-lī-a-sat ê kiáⁿ, Í-lī-a-sat sī chè-si-thâu

A-lùn ê kiáⁿ. ⁶Chit ê Í-su-láh tùi Pa-pí-lùn chiūⁿ-lâi, tùi-tī Iâ-hô-hoa Í-sek-liát ê Siōng-tè siūⁿ-sù Mô-se ê lùt-hoat i sī bín-chiát ê keng-hák-sū. Ông chún i it-chhè só-kiū-ê, sī chiàu Iâ-hô-hoa i ê Siōng-tè ê chhiú pang-chān i ê. ⁷A-tát-siat-se ông tē-chhit nî, Í-sek-liát lāng, chè-si, Lī-bī lāng, chhiūⁿ-koa--ê, kò-mng--ê, Nî-thê-lêng, kok ū kúi-nā lāng chiūⁿ Iâ-lō-sat-léng. ⁸Ông tē-chhit nî gō-gêh, Í-su-láh kàu Iâ-lō-sat-léng; ⁹chiaⁿ-gêh chhoe-it jlt, i tùi Pa-pí-lùn khí-sin, gō-gêh chhoe-it jlt chiū kàu Iâ-lō-sat-léng, in-ūi i ê Siōng-tè si-un ê chhiú pang-chān i. ¹⁰In-ūi Í-su-láh í-keng koat-ì beh káng-kiù Iâ-hô-hoa ê lùt-hoat lâi kiáⁿ i, koh chiong lùt-lē hoat-tō lâi kà-sī Í-sek-liát lāng.

¹¹Chè-si Í-su-láh sī keng-hák-sū, sī thong-tát Iâ-hô-hoa kài-bēng ê oē, kap I sóⁿ-sù Í-sek-liát ê lùt-lē ê keng-hák-sū. A-tát-siat-se ông sù i jū-chí, hit ê bûn kì tī ē-toé, kóng, ¹²Liát-ông ê ông A-tát-siat-se kià hōⁿ chè-si Í-su-láh, thong-tát thiⁿ-téng Siōng-tè ê lùt-hoat ê keng-hák-sū, oân-choân--ê, ũn-ũn. ¹³Tiàm tī goá ê kok-lāi ê Í-sek-liát lāng, chè-si, Lī-bī lāng, kìⁿ-nā kam-goān chiūⁿ-khì Iâ-lō-sat-léng--ê, goá kàng-chí hōⁿ in kap lí khi; ¹⁴lí kì-jiân sī ông kap i chhit ê bô-sū sóⁿ chhe ê, chiàu lí chhiú-lāi Siōng-tè ê lùt-hoat chachhat Iû-tāi kap Iâ-lō-sat-léng; ¹⁵koh toà ông kap i ê bô-sū sóⁿ hoaⁿ-hí hiàn ê kim-gûn, beh hōⁿ Í-sek-liát ê Siōng-tè, chiū-sī toà tī Iâ-lō-sat-léng ê; ¹⁶iā toà lí tī Pa-pí-lùn choân-séng kìⁿ sóⁿ tit-tiòh ê kim-gûn, kap peh-siⁿ chè-si sóⁿ hoaⁿ-hí hiàn ê lé-mih, chiū-sī in ũi-tiòh Iâ-lō-sat-léng in Siōng-tè ê tiān sóⁿ hoaⁿ-hí hiàn ê. ¹⁷Sóⁿ-í lí tiòh tì-ì eng chiaⁿ ê kim-gûn boé gū-káng-á, mī-iūⁿ-káng, mī-iūⁿ-á, kap in ê sò-chè, in ê koân-tiān, hiàn tī Iâ-lō-sat-

léng lín Siōng-tè tiān ê toāⁿ. ¹⁸Sóⁿ chhun ê kim-gûn, lí kap lí ê hiaⁿ-tī khoàⁿ-choè hó ê, chiū án-ni ēng i, lóng tiòh chiàu lín Siōng-tè ê chí-ì. ¹⁹Sóⁿ kau-tài lí ê khi-kū, choè lí ê Siōng-tè tiān-lāi ê lō-ēng--ê, lí tiòh kau tī Iâ-lō-sat-léng ê Siōng-tè ê bīn-chêng. ²⁰Lín Siōng-tè ê tiān nā iáu ũ khiām-ēng sím-mih, lí sóⁿ eng-kai tiòh ēng-ê, lí thang tùi ông ê hú-khòⁿ thèh i. ²¹Goá A-tát-siat-se ông pún-sin koh kàng-chiàu hōⁿ Hô-goā it-chhè koán hú-khòⁿ ê koaⁿ, kóng, Thong-tát thiⁿ-téng Siōng-tè ê lùt-hoat ê keng-hák-sū, chè-si Í-su-láh, bô-lūn tùi lín thó sím-mih, lín tiòh tì-ì kiāⁿ i; ²²kiong-kip i gûn kàu chit-pah tha-liân-tek; bēh kàu chit-pah ko-jíⁿ; chiú, kàu chit-pah pà-ték; iū kàu chit-pah pà-ték; iām bô hān-giáh. ²³Kìⁿ-nā thiⁿ-téng ê Siōng-tè sóⁿ bēng-lēng ê, tiòh ũi-tiòh thiⁿ-téng ê Siōng-tè ê tiān chim-chiok choè i; siáⁿ-sū hōⁿ siū-khì līm-kàu ông, í-klip ông ê kiáⁿ ê kok ah? ²⁴Goá koh bēng-lēng lín, kìⁿ-nā chè-si, Lī-bī lāng, chhiūⁿ-koa--ê, kò-mng--ê, kap Nî-thê-lêng, kap tī Siōng-tè ê tiān choè chhe-ēng ê lāng, m̄-thang siu in ê chìn-kòng, koan-sè, chíⁿ-niū. ²⁵Í-su-láh ah, chiàu lí ê Siōng-tè siūⁿ-sù lí ê tì-hui, siat-lip sū-su, sím-phoàⁿ-koaⁿ, tī-lí Hô-goā ê peh-siⁿ, chiū-sī it-chhè bat lí ê Siōng-tè lùt-hoat ê; hiah-ê bē-bat--ê, lín tiòh kà-sī i. ²⁶Kìⁿ-nā bô beh thàn lí ê Siōng-tè ê lùt-hoat, kap ông ê lùt-hoat, chiū tiòh sió-sim tēng i ê choē, hék-sī hōⁿ i sí, hék-sī chhiong-kun, hék-sī chhau-ke, hék-sī koaiⁿ-kaⁿ.

²⁷O-ló lán liát-chóⁿ ê Siōng-tè Iâ-hô-hoa, in-ūi I hē chit ê ì-sù tī ông ê sim, ke-thiⁿ êng-kng tī Iâ-lō-sat-léng Iâ-hô-hoa ê tiān; ²⁸koh hōⁿ goá tī ông, kap i ê gī-sū, kap ông it-chhè ũ koan-sè ê siú-léng ê bīn-chêng, tit-tiòh un-tián. Iâ-hô-hoa goá ê Siōng-tè ê chhiú pang-

chān goá, goá chiū íong-kám; chū-chíp Í-sek-liát hiah ê thâu-lâng, kap goá chiūⁿ-lâi.

8 A-tát-siat-se ông chē-ūi ê sī, kap goá tui Pa-pí-lun chiūⁿ-lâi ê lāng, in ê chók-tiúⁿ, kap in ê sè-hē, kì tī ē-bīn. ²Siók Hui-nî-hap ê hō-è ū Kek-sūn, siók Í-tha-má ê hō-è ū Tân-í-lí, siók Tāi-pit ê hō-è ū Hap-tút. ³Siók pa-liók ê hō-è, chiū-sī Sī-ka-nî hō-è, ū Sat-ka-lī-a; kap i ê, chiàu sè-hē lâi sng, ū ta-po-teng chit-pah gō-cháp lāng. ⁴Siók Pa-hap-mô-ap ê hō-è ū Se-láh-hi-ngá ê kiáⁿ Í-lī-iok-nái; kap i ê, ū ta-po-teng nng-pah lāng. ⁵Siók Sī-ka-nî ê hō-è ū Ngá-hap-sek ê kiáⁿ; kap i ê, ū ta-po-teng saⁿ-pah lāng. ⁶Siók A-teng ê hō-è, ū Iok-ná-tan ê kiáⁿ Í-piát; kap i ê, ū ta-po-teng gō-cháp lāng. ⁷Siók Í-lân ê hō-è, ū A-tha-lī-ngá ê kiáⁿ, Iā-su-a; kap i ê, ū ta-po-teng chhit-cháp lāng. ⁸Siók Sī-hoat-thê-ngá ê hō-è, ū Bí-ka-lék ê kiáⁿ Se-pa-tē-ngá; kap i ê, ū ta-po-teng poeh-cháp lāng. ⁹Siók Iok-ap ê hō-è, ū Iā-iat ê kiáⁿ Gô-pa-tí-a; kap i ê, ū ta-po-teng nng-pah it-cháp-poeh lāng. ¹⁰Siók Sī-lô-bit ê hō-è, ū Iok-sè-húi ê kiáⁿ; kap i ê, ū ta-po-teng chit-pah lāk-cháp lāng. ¹¹Siók Pí-pài ê hō-è, ū Pí-pài ê kiáⁿ Sat-ka-lī-a; kap i ê, ū ta-po-teng jī-cháp-poeh lāng. ¹²Siók Ap-kah ê hō-è, ū Hap-ka-thán ê kiáⁿ, Iok-hap-lân; kap i ê, ū ta-po-teng chit-pah it-cháp lāng. ¹³Siók A-to-nî-kan ê hō-è, chiū-sī lō-bé-ê, in ê miâ sī Í-lī-hoat-liát, Iā-lī, Sī-má-ngá; kap in ê, ū ta-po-teng lāk-cháp lāng. ¹⁴Siók Pí-kek-oá-i ê hō-è, ū O-thài, kap Sat-pò; kap in ê, ū ta-po-teng chhit-cháp lāng.

¹⁵Goá chio-chíp chiah ê lāng tī lâu-jíp A-hap-oá ê hô-piⁿ; goán tī-hia toà tī pò-piⁿ saⁿ-jlt; goá chhâ-khoàⁿ peh-siⁿ kap chē-si, khoàⁿ bô Lī-bī lāng tī-hia. ¹⁶Goá chhe lāng tiâu hiah ê thâu-lâng, chiū-sī Í-lī-í-siā, A-liát, Sī-

má-ngá, Í-lī-ná-tan, Ngá-lip, Í-lī-ná-tan, Ná-tan, Sat-ka-lī-a, Bí-su-lân; koh tiâu kàu-oân Iok-ngá-lip kap Í-lī-ná-tan. ¹⁷Goá chhe in khi Ka-se-húi-ngá ê só-chāi, kìⁿ hit ê thâu-lâng Ēk-to, koh kâ in kóng, in tī ka-se-húi-ngá ê só-chāi tiòh tui Ēk-to kap i ê hiaⁿ-tī Nî-thê-lêng kóng sím-mih oē, kah in ūi lán Siōng-tè ê tiān toà chhe-ēng ê lāng lâi. ¹⁸Tit-tiòh lán ê Siōng-tè si-un ê chhiú pang-chān goán, in tī Í-sek-liát ê cheng-sun, Lī-bī ê sun, Boát-lī ê hō-è tiong, toà chit-ê thông-tát ê lāng lâi; koh ū Sī-lī-pí kap i hiah ê kiáⁿ, kap i ê hiaⁿ-tī, kiōng cháp-poeh lāng. ¹⁹Koh ū Hap-sa-pí-ngá; kap i ê, ū Bí-láh-lī ê hō-è, Iā-su-a, kap i ê hiaⁿ-tī, kap in ê kiáⁿ, kiōng jī-cháp lāng. ²⁰Koh toà Nî-thê-lêng lāng lâi, chiū-sī cheng Tāi-pit kap chiah ê siú-léng só-phài-choē Lī-bī lāng ê chhe-ēng-ê, kiōng nng-pah jī-cháp ê Nî-thê-lêng; in ê miâ lóng ū teng-kì.

²¹Hit-sī goán tī A-hap-oá ê hô-piⁿ soan-pò-kim-chiáh, thang hō goán tī lán ê Siōng-tè ê bīn-cheng ka-kī khiam-pī, kiú I hō goán kap goán ê gín-ná, kap it-chhè só-ū-ê, lóng tit-tiòh piⁿ-tháⁿ ê lō. ²²In-ūi kiú ông poah chit-tui pō-peng bé-peng, pang-chān goán tī lō--nih tí-tng tui-ték, goá liáh-choē kiàn-siâu; in-ūi goán bat tui ông kóng, Goán ê Siōng-tè ê chhiú pó-hō it-chhè kiú I ê lāng; tók-tók I ê lêng-lék kap siū-khì, kong-kék it-chhè khi-sak I ê lāng. ²³Só-í goán ūi-tiòh án-ni kim-chiáh, kiú goán ê Siōng-tè; I chiū thiaⁿ goán.

²⁴Tui án-ni goá hun-phài chē-si ê thâu-lâng cháp-jī-ê, chiū-sī Sī-lī-pí, Hap-sa-pí-ngá, kap in ê hiaⁿ-tī, cháp-lāng. ²⁵Goá chiū chiong lán Siōng-tè tiān ê lé-mih, chiū-sī kim gūn kap hiah ê khi-kū, sī ông kap i ê bô-sū, i ê siú-léng, kap tī-hia ê Í-sek-liát cheng-lāng só-hiàn-ê, lóng phêng lâi kau-hù in. ²⁶Goá chiū

phêng lăi kau tī in ê chhiú, ũ gûn lăk-pah tha-liân-tek, gûn-khì tâng chít-pah tha-liân-tek; kim chít-pah tha-liân-tek; ²⁷kim-oáⁿ jī-cháp tē, tâng chít-chheng tát-lī-khek; kim-nà-nà hó ê tâng-khì nng-tē, pó-khì chhin-chhiūⁿ kim. ²⁸Goá tui in kóng, Lín choè-sèng kui Iâ-hô-hoa, chiaⁿ ê khi-kū iā sī sèng, hiah ê kim-gûn sī kam-sim hiàn hō· Iâ-hô-hoa lín liát-chó[·] ê Siōng-tè--ê. ²⁹Lín tióh kín-sīn kò·siú, tit-kàu lín tī Iâ-lō·sat-léng Iâ-hô-hoa tiān ê pâng-lăi, tī chē-si ê thâu-lâng kap Lī-bī lāng, í-kiap Í-sek-liát hiah ê chók-tiúⁿ ê bīn-chèng phêng i. ³⁰Tui án-ni chē-si Lī-bī lāng siu kim-gûn kap khi-kū, chiàu in ê khin-tāng, beh toà kàu Iâ-lō·sat-léng lán Siōng-tè ê tiān.

³¹Chiaⁿ gēh cháp-jī jīt, goán lī-khui A-hap-oá ê hô-piⁿ, beh khi Iâ-lō·sat-léng; lán ê Siōng-tè ê chhiú pó-hō· goán, kiù goán thoat-lī tui-ték, kap bái-hók tī lō--nih ê lāng ê chhiú. ³²Goán kàu Iâ-lō·sat-léng, tiàm hia saⁿ-jīt. ³³Kàu tē-si jīt, tī lán Siōng-tè ê tiān, phêng hiah ê kim gûn kap khi-kū, kau tī chē-si O·lī-a ê kiáⁿ Bí-lī-boát ê chhiú; kap i ê, ũ Hui-nī-hap ê kiáⁿ Í-lī-a-sat; koh kap in ê, ũ Lī-bī lāng Iâ-su-a ê kiáⁿ Iok-sat-poát, kap Pin-loē ê kiáⁿ Lô-a-tí. ³⁴It-chhè chiàu in ê siàu-giáh, chiàu in ê khin-tāng kau i; tng-sī iā kī in ê khin-tāng.

³⁵Siū-liáh ê lāng tui siū-liáh ê tiong-kan tò-lái ê, hiàn sio-chè hō· Í-sek-liát ê Siōng-tè, chiū-sī ũi Í-sek-liát cheng-lāng hiàn gū-káng cháp-jī chiaⁿ, mī-iūⁿ-káng káu-cháp-lăk chiaⁿ, mī-iūⁿ-á chhit-cháp-chhit chiaⁿ; koh hiàn soaⁿ-iūⁿ-káng cháp-jī chiaⁿ choè siók-choē ê chē. Chiaⁿ-ê lóng sī choè sio-chè hiàn hō· Iâ-hô-hoa ê. ³⁶In chiong ông ê jū-chí kau hō· ông ê jīn-sīn, kap tī Hô-goā hiah ê chóng-tok; in chiū pang-chān peh-siⁿ kap Siōng-tè ê

tiān.

9 Chiaⁿ ê tãi-chì í-keng choè bêng-pék, chiaⁿ ê siú-léng lăi kīⁿ goá, kóng, Í-sek-liát peh-siⁿ kap chē-si, kap Lī-bī lāng, bô ka-kī hun-piat lī-khui chiaⁿ ê só·chāi ê peh-siⁿ, thàn in khó·òⁿ ê sū, chiū-sī thàn Ka-lâm lāng, Hek-lāng, Pí-lī-sé lāng, Iâ-pò·su lāng, A-būn lāng, Mô·ap lāng, Ai-kiap lāng, A-mô·lī lāng ê sū. ²In-ūi in ũi ka-kī kap in ê kiáⁿ, chhoā in ê cha-bó·kiáⁿ choè bó·, tì-kàu sèng ê hō·-è kap hit só·chāi ê peh-siⁿ chham-chhap; koh siú-léng kap in ê koaⁿ-tiúⁿ choè in ê choē-khoe. ³Goá chit-ē thiaⁿ-kīⁿ chit ê sū, chiū thiah-līh goá ê saⁿ kap phau, chhoah goá ê thâu-mng kap chhui-chhiu, gông-ngiáh teh chē. ⁴Kīⁿ-nā ũi Í-sek-liát Siōng-tè ê oē lăi ngiáuh-ngiáuh-chhoah--ê, lóng chū-chíp kàu goá chia, in-ūi siū-liáh tò-lái ê lāng só· hoān ê choē; goá chiū gông-ngiáh teh chē, kàu hiàn ê-hng-chè ê sī. ⁵Hiàn ê-hng-chè ê sī, goá tui goá ê ut-būn kī-lái, saⁿ phau thiah-līh, siang-kha kī--lôh-khì, ñg Iâ-hô-hoa goá ê Siōng-tè kiáh-khí chhiú, kóng, ⁶Goá ê Siōng-tè ah, goá kiàn-siàu lău-khui, m̄-káⁿ kiáh-thâu ñg goá ê Siōng-tè Lí, in-ūi goán ê choē im-kè thâu-khak, goán ê choē-ok tú-thiⁿ. ⁷Tui goán liát-chó[·] ê jīt kàu kin-á-jīt, goán ê choē-ok chin-tāng; ũi-tiòh goán ê choē-koà, goán kap goán ê liát-ông, chē-si, lóng kau tī goā-pang liát-ông ê chhiú, siū to-kiàm, siū ló·liáh. siū chhiúⁿ-kiap, bīn kiàn-siàu, chhin-chhiūⁿ kin-á-jīt ê khoán. ⁸Taⁿ tit-tiòh Iâ-hô-hoa goán ê Siōng-tè chiām-chhiáⁿ si-un hō· goán, ká goán lău chiaⁿ ê tô-thoat ê lāng, hō· goán chhin-chhiūⁿ tit-tiòh thih-teng têng tī I sèng ê só·chāi, hō· goán ê Siōng-tè thang chiò-kng goán ê bák-chiu, hō· goán tī lô·lê-tiong lī-á koh-oáh. ⁹In-ūi goán sī lô·lê, chóng-sī tī

lô·lê tiông, goán ê Siông-tè bô khi-sak goán; koh hō· goán tī Pho-su liát-ông ê bīn-chêng tit-tiòh un-tián, hō· goán koh-oáh oē koh khí goán Siông-tè ê tián, siu-lí hiah ê húi-hoài ê só·chāi, hō· goán tī Iû-tāi kap Iâ-lō·sat-léng tit-tiòh ū chhiūⁿ-piah. ¹⁰goán ê Siông-tè ah, kì-jian án-ni, goán iáu ū sīm-mih oē thang kóng ah? In-ūi goán í-keng khi-sak Lí ê bēng-lēng, ¹¹chiū-sī Lí thok Lí ê lô·pók chiaⁿ ê sian-ti só· bēng-lēng-ê kóng, Lín só· khi beh sēng-chiap choē-giáp ê toē sī ù-oē ê toē, ūi-tiòh hiah ê kok ê peh-siⁿ ê ù-oē, kap in khó·ò·ⁿ ê sū; in-ūi in hō· choân-toē tui chit-piⁿ kàu hit-piⁿ, moá-moá lâ-sâm. ¹²Só·í m̄-thang chiong lín ê cha-bó·kiáⁿ kè in ê kiáⁿ, iā m̄-thang ká lín ê kiáⁿ chhoā in ê cha-bó·kiáⁿ, éng-éng m̄-thang ká in tô·bô· pēng-an, kap in ê lī-ek; án-ni lín chiū thang kiông-sēng, chiaⁿ chit só·chāi ê hó·mih, soà lâu hō· lín ê kiáⁿ-sun éng-oán choē-giáp. ¹³Goán in-ūi goán ê pháiⁿ só·kiáⁿ, kap goán ê tâng-choē, í-keng tú-tiòh che it-chhè ê sū, goán ê Siông-tè ah, Lí hēng-hoát goán, khah-khin goán ê choē só· eng-kai tit-tiòh-ê; koh ká goán lâu chiaⁿ ê thoat-lī ê lāng; ¹⁴goán kiám thang koh poē-gék Lí ê bēng-lēng, kap kiáⁿ khó·ò·ⁿ ê sū ê peh-siⁿ kiát-chhin mah? nā án-ni, Lí kiám bô beh siū-khi goán, kàu biát-bô goán, tì-kàu bô chit-ê lâu-teh, bô chit-ê tô-thoat mah? ¹⁵Iâ-hô-hoa Í-sek-liát ê Siông-tè ah, Lí sī kong-gī, goán chiaⁿ ê lâu-teh ê lāng chiaⁿ tit-tiòh tô-thoat, chhin-chhiūⁿ kin-á-jit. Khoàⁿ ah, goán tī Lí ê bīn-chêng ū choē-ok; in-ūi án-ni bô lāng tī Lí ê bīn-chêng khiā oē tiâu.

10 Í-su-láh kī-tó, jīm-choē, thi-khau, phak tī Siông-tè tián-chêng ê sī, ū tui Í-sek-liát tiông lāi ê lâm-lú gín-ná chū-chip i hia, chiaⁿ toā-hoē. Peh-siⁿ khau kàu chin-chhám. ²siók

Í-lân ê hō·-è, Iâ-iat ê kiáⁿ, Sī-ka-ni, in Í-su-láh kóng, Goán tī chit ê só·chāi ê peh-siⁿ tiông chhoā goā-pang lāng ê cha-bó·kiáⁿ choē-bó·, kan-hoan lán ê Siông-tè; chóng-sī Í-sek-liát lāng tī chit ê sū iáu-kú u thang òng-bāng. ³Taⁿ tiòh kap lán ê Siông-tè līp-iok, chiong chiaⁿ ê bó· kap in só·siⁿ-ê, lóng hō· in chhut-khi, chiaⁿ goá ê chú kap hiah-ê in-ūi Siông-tè ê bēng-lēng ngiáuh-ngiáuh-chhoah ê lāng só· gī-tiāⁿ-ê, chiaⁿ lūt-hoat lāi kiáⁿ; ⁴Lí khí-lāi, in-ūi chit ê sū sī lí só· eng-kai pān-ê; goán beh pang-chān lí, lí tiòh hó-táⁿ lāi choē i.

⁵Í-su-láh chiū khí-lāi, hō· chē-si hiah ê thau-lāng, kap Lī-bī lāng, kap Í-sek-liát chēng-lāng chiū-choā, beh chiaⁿ chit ê oē khi kiáⁿ; in chiū chiū-choā. ⁶Í-su-láh chiū tui Siông-tè ê tián-chêng khí-lāi, jip Í-lī-a-sit ê kiáⁿ Iok-hap-lân ê chhū, kàu hia bô chiaⁿ piáⁿ, bô līm chú; in-ūi i ūi-tiòh siū-liáh tò-lāi ê lāng só· hoan ê choē, lāi pi-siong. ⁷In soan-pò· tī piàn Iû-tāi kap Iâ-lō·sat-léng siū-liáh tò-lāi ê lāng, kah in lóng chū-chip tī Iâ-lō·sat-léng. ⁸Kìⁿ-nā bô thàn hiah ê siú-léng kap tiúⁿ-ló só· gī-tiāⁿ, saⁿ-jit-lāi bô-lāi-ê, chiū beh chhau i só· ū ê giáp, beh kek i chhut siū-liáh tò-lāi ê lāng ê hoē.

⁹Tui án-ni Iû-tāi kap Piān-ngá-bín chēng-lāng saⁿ-jit-lāi lóng chū-chip tī Iâ-lō·sat-léng; hit-jit sī káu-gēh jī-cháp jit; chēng-lāng lóng chē tī Siông-tè tián-chêng khoan-khoah ê só·chāi; in-ūi chit ê sū, koh in-ūi lōh toā-hō·, chiū ngiáuh-ngiáuh-chhoah. ¹⁰Chē-si Í-su-láh khí-lāi, ká in kóng, Lín ū choē, lín chhoā goā-pang ê cha-bó·kiáⁿ choē bó·, ke-thiⁿ Í-sek-liát lāng ê choē. ¹¹Taⁿ tiòh òng Iâ-hô-hoa, lín liát-chó· ê Siông-tè, jīm-choē, kiáⁿ I só· hoaⁿ-hí-ê, ká kī hun-piat lī-khui chiaⁿ ê kok ê peh-siⁿ, kap goā-pang ê cha-bó·kiáⁿ. ¹²Hoē-chiòng lóng

toā-siaⁿ in kóng, Chiàu lí só· kóng koan-hē goán-ê, goán beh kiáⁿ i. ¹³Chóng-sī peh-siⁿ chin-choē, koh tú-tiòh toā-hō· ê si, goán boē oē khiā tī goā-bīn, che iā m̄-sī chit-jit n̄ng-jit ê sū, in-ūi goán tī chit ê sū ū toā-toā hoān-choē. ¹⁴Taⁿ tiòh ūi choān-hoē siat-lip lán ê siú-léng, kìⁿ-nā lán ê siāⁿ-tiong choā goā-pang ê cha-bó·-kiáⁿ--ê, tiòh chiàu tiāⁿ-tiòh ê kí lāi; hit ê siāⁿ ê tiúⁿ-ló sū-su tiòh kap in lāi; tit-kàu lán ê Siōng-tè ūi-tiòh chit ê sū ê siū-khi siu tò-túg. ¹⁵tók-tók A-sat-hek ê kiáⁿ Iok-ná-tan, Tèk-oá ê kiáⁿ Ngá-hap-siā, hoán-tui chit ê sū; koh ū Bí-su-lân, kap Lī-bī lāng Sa-pí-thài chàn-sêng in.

¹⁶Siū-liáh tò-lāi ê lāng án-ni kiáⁿ, Chè-si Í-su-lāh kap chók-tiúⁿ kúi-nā lāng, chiàu in ê chong-chók, lóng chiàu in ê miā siū-phài; tī cháp-gêh chhoe-it jít in saⁿ-kap chē, cha-chhat chit ê sū. ¹⁷Kàu chiaⁿ-gêh chhoe-it, kìⁿ-nā choā goā-pang ê cha-bó·-kiáⁿ--ê chiah bēng-pék hit ê sū.

¹⁸Tī chè-si kiáⁿ-sun-tiong chhâ-chhut choā goā-pang ê cha-bó·-kiáⁿ ê, chiū-sī Iok-sat-tap ê kiáⁿ Iā-su-a ê ke, kap i ê hiaⁿ-tī Má-se-ngá, Í-lī-í-siā, Ngá-lip, Ki-tāi-lī. ¹⁹In chiū khan-chhiú kiát-bēng beh lī in ê bó·, in-ūi hoān-choē; chiū hiàn iūⁿ-kūn-tiong chit chiah mī-iūⁿ-káng, lāi siók-choē. ²⁰Im-bék ê kiáⁿ-sun-tiong, ū Hap-ná-nī Se-pa-tē-ngá. ²¹Hap-līm ê kiáⁿ-sun-tiong, ū Má-se-ngá, Í-lī-ngá, Sī-má-ngá, Iā-iat O-se-ngá. ²²Pa-si-hō·-jīⁿ ê kiáⁿ-sun-tiong, ū Í-lī-iok-nái, Má-se-ngá, Í-sit-má-lī, Ná-thán-giáp, Iok-sat-poát, Í-lī-a-sat.

²³Lī-bī lāng tiong, ū Iok-sat-poát, Sī-múi, Ki-lāh-ngá, Ki-lāh-ngá chiū-sī Ki-lī-tha; koh ū Pí-tha-hi-ngá, Iū-tāi, Í-lī-í-siā. ²⁴Chhiūⁿ-koa ê lāng ê tiong-kan, ū Í-lī-a-sit. Kò·m̄ng

ê lāng ê tiong-kan ū Sa-liông, Thê-liân, O·lī.

²⁵Í-sek-liát lāng Pa-liók ê kiáⁿ-sun tiong, ū Lāh-bí, Iā-se-ngá, Má-ki-ngá, Bí-ngá-bīn, Í-lī-a-sat, Má-ki-ngá, Pí-ná-ngá. ²⁶Í-lân ê kiáⁿ-sun tiong, ū Má-tha-nī, Sat-ka-lī-a, Iā-iat, Ap-tí, Iā-lī-boát, Í-lī-ngá. ²⁷Sat-thó· ê kiáⁿ-sun tiong, ū Í-lī-iok-nái, Í-lī-a-sit, Má-tha-nī, Iā-lī-boát, Sat-poát, A-se-sat. ²⁸Bí-pài ê kiáⁿ-sun tiong, ū Iok-hap-lân, Hap-ná-nī-ngá, Sat-pài, A-lèk. ²⁹Pa-nī ê kiáⁿ-sun tiong, ū Bí-su-lân, Má-lók, A-tāi-ngá, Ngá-sút, Sī-ap, Iā-lī-boát. ³⁰Pa-hap-mô·-ap ê kiáⁿ-sun tiong, ū A-tí-ná, Ki-lāh, Pí-ná-ngá, Má-se-ngá, Má-tha-nī, Pí-sat-liát, Pin-loē, Má-ná-se. ³¹Hap-līm ê kiáⁿ-sun tiong, ū Í-lī-í-siā, I-si-ngá, Má-ki-ngá, Sī-má-ngá, Se-biān; ³²Piān-ngá-bín, Má-lók, Sī-má-lī-ngá. ³³Hap-sūn ê kiáⁿ-sun tiong, ū Má-ték-nái, Má-tát-tha, Sat-poát, Í-lī-hoat-liát, Iā-lī-mái, Má-ná-se, Sī-múi. ³⁴Pa-nī ê kiáⁿ-sun tiong, ū Má-tāi, Àm-lân, O·ek; ³⁵Pí-ná-ngá, Pí-tí-ngá, Ki-lók; ³⁶Oá-nī-ngá, Bí-lī-boát, Í-lī-a-sit; ³⁷Má-tha-nī, Má-ték-nái, Ngá-sò; ³⁸Pa-nī, Pin-loē, Sī-múi; ³⁹Sī-lī-bí-ngá, Ná-tan, A-tāi-ngá; ⁴⁰Má-ná-tí-pài, Sa-sài, Sa-nāi; ⁴¹A-sat-lī, Sī-lī-bí-ngá, Sī-má-lī-ngá; ⁴²Sa-liông, A-má-lī-ngá, Iok-sek. ⁴³Nī-pho ê kiáⁿ-sun tiong, ū Iā-lī, Má-tha-thê-ngá, Sat-poát, Se-pí-ná, Ngá-tāi, Iok-jīⁿ, Pí-ná-ngá. ⁴⁴Chiah ê lāng lóng choā goā-pang lāng ê cha-bó·-kiáⁿ choē bó·; kí-tiong iā ū lāng tui chiah ê cha-bó·-kiáⁿ siⁿ kiáⁿ-jī.